

Albin Muslić

Sarajevo, 25.08.2025

**PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM
n/r predsjedavajućeg**

**BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO**

PRIMLJENO: 25-08-2025			
Organizaciona jedinica	Klasifikaciona oznaka	Redni broj	Broj priloga
01-	10-1-	1874	25

PREDMET: Poslaničko pitanje

U skladu s čl. 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24), postavljam sljedeće poslaničko pitanje:

- 1. Da li je Milorad Dodik od 18.08.2025. godine do danas, prilikom prelaska državne granice Bosne i Hercegovine, koristio diplomatski pasoš Bosne i Hercegovine, s obzirom na to da mu je prestao mandat predsjednika Republike Srpske?*
- 2. Da li je Milorad Dodik od 18.08.2025. godine do danas koristio VIP tretman na graničnim prijelazima Bosne i Hercegovine, te, ako jeste, ko mu je to omogućio i da li su protiv navedenih lica podnesene krivične prijave na osnovu člana 239. Krivičnog zakona Bosne i Hercegovine?*

Obrazloženje:

S obzirom na to da je Milorad Dodik dana 21.08.2025. godine prisustvovao košarkaškoj utakmici između Srbije i Slovenije u Beogradu, postavlja se pitanje da li je za putovanje u Beograd koristio diplomatski pasoš Bosne i Hercegovine i VIP status na graničnim prijelazima Bosne i Hercegovine, posebno na graničnom prijelazu Aerodroma Banja Luka.

Prema članu 239. Krivičnog zakona Bosne i Hercegovine, propisano je krivično djelo „Neizvršenje odluke Ustavnog suda Bosne i Hercegovine, Suda Bosne i Hercegovine, Doma za ljudska prava ili Evropskog suda za ljudska prava“, a odgovornost se odnosi na svaku službenu, odgovornu ili drugu osobu koja, između ostalog, ne primijeni, ne provede, ne izvrši ili na drugi način ne poštuje konačnu i izvršnu odluku ili privremenu mjeru Suda Bosne i Hercegovine (pravosnažnu sudsku presudu).

Za navedeno krivično djelo propisana je kazna zatvora u trajanju od šest mjeseci do pet godina, a osuda za to djelo povlači i određene pravne posljedice, i to:

- prestanak službene dužnosti i prestanak zaposlenja,
- oduzimanje odlikovanja,
- zabranu vršenja službene dužnosti u zakonodavnom, izvršnom, pravosudnom, upravnom ili bilo kojem drugom organu koji se u cijelosti ili djelimično finansira iz javnih sredstava,
- zabranu sticanja službene dužnosti u zakonodavnom, izvršnom, pravosudnom, upravnom ili bilo kojem drugom organu koji se u cijelosti ili djelimično finansira iz javnih sredstava.

Pitanje postavljam direktoru Granične policije Bosne i Hercegovine.

S poštovanjem,

POTPIS POSLANIKA
Albin Muslić

